

Wo is bloss de Menschlichkeit bleben.

Dat heff ick mie hütt morgen froch as ick in Bergedorf weur. Mien Handy güng nich, und ick wull in mien Handyloden, de schulln sick dat ankieken. För clock tein brugst gor nich no Bergedorf to feur , de meisten Geschäfte mogt erst denn open. Also ick harr Tied und wull noch so Etliches erledigen, de ersten Wiehnachtsgeschenke keupen und noch so etliches. Bit clock 12 müss ick wellert o Huus weden, dor keum ein Handwerker bie mie. Als erstes in dann Telefonloden rin. Ick weur de 5. In de Reich, na denk ick , dat kann duurn. Direkt för mie weur ein ölleren Mann. De keüm an. Hei harr sick gestern ein neies Handy köfft und man schull imm nu mol erklären wie dat Ding überhaupt geiht. „Guter Mann,“ secht de Verkeuper, „sie sehen doch was hier los ist. Das kann ich Ihnen hier nicht alles erklären.“ „ Ja,“ mein de Mann denn wull hei dat Handy nich hemm. „Nee nee,“ sehr de Verkeuper „so geht das nicht, sie haben einen Vertrag unterschrieben für 2 Jahre.“ „Ja, denn müssen Sie zu mir kommen,“ mein de Mann. „Ja, das können wir, aber das kostet 100 Euro“. „Um Gottes Willen“ seer de Mann, „so veel Geld harr hei nich,“ ganz dörcheinanner güng hei rut. No imm güng ick rut. Hei wull grode mit sein olles Rad los. Links und rechts mit Taschen behingt. Hei wull grod op sein Rad stiegen a sick rut keum. Hei op sein Rad, krich dat Öbergewicht und donnert hin. Dat Rad leich über imm. Ach,du leibe Tied. Ick erst mol hin und imm op de Bein holpen. Kein anner von de Lütt hepp mie holpen und eben mit anfoot. Alle jachtern se bie uns vorbeie. Endlich harr ick imm hoch. Sein Taschen tosommen söcht und dann Inhalt weller rin. Geit denn weller, seer ick. Jo jo mein hei ober hei harr so koole Hann. Hei wull sick noch ein Poor Handschen keupen. Wo kriech ick dei. Nu kumm see man mit seer ick, wie goht no Karstadt dor giff dat Handschen. Ich denn mit imm no Karstadt rin. Hei wull Feustlinge hemm, de geif dat nich, ober ick heff denn scheune warme Fleecehandschen för imm funn. De dörf ober nur 10 Euro kössen, meir Geld harr hei nich. Weurn genau 9,99Euro und dat geif noch 2Euro Rabatt. „Mensch denn heff ick je noch 2Euro öber, dörf ick sei dorfö ton Kaffee inloden?“ „ Jo dat mogt wir“ sec hick. Ick mit imm no Boben int Cafe, hei geif mie de 2Euro und ick schull man 2Tassen Kaffee holen. Ick heff denn noch 3Euro dorto packt. Wie ick denn an Disch weur mit unseren Kaffee hat hei mie 2Stünn sein Lebensgeschichte vertellt. Hei weur rein opgedreihet und hat sick freit dat mol einer Tied för imm harr. 10 Mol hat hei sick bie mie bedankt för alles. No 2Stünn sünd wei Beiden denn rut, hei steich op sein olles Rad und radelt dorvun. Beschick heff ick jo nu gor nichts meir in Bergedorf, ick wull doch so veel besorgen. Ober mogt nichts, för mie weur ick tofreden, da tick mol wedder ein ollenren Menschen heipen kunn, denn irgendwann bünn ick ock mol old und brug Hilfe, denn frei ick mie ock wenn mie jemand help.